

مشتاق

مطبعه رحل اداره :

همه ال اوغندده امنیت
مندوغی حوارنده
شنگول یقوشده
۲۵ نومرو

مسلك زه موافق آثار
جدیده مع الممنونه
قبول اولنور

درج ابدیهین آثار اعاده اولنور

دیر ، فلسفه ، علوم ، حقوق ، ادبیات تاریخ ، سیاست ، احوال و شئونه اسلامیه در بحث ابدیه و هفتده به نشر اولنور .

آبونه بدلی

صاحب و مؤسسلری :

در سعادتده نسخده سی ۵۰ یا ۵۵

ابوالعلا زین العابدین - ح . اشرف ادیب

تاریخ ناسبی

فیرله دن مقوا بورو ابله گوندربلیسه سنوی

۲۰ عروش فضله آلنور

۱۰ نوموز ۱۳۲۴

سنه لکی	التی آیلانی	عروش
مالک عثمانیه ایچون	۶۵	۳۵
روسیه	۶۵	۳۵
سائر ملای اجنیه	۱۷	۹

یدنجی جلد

۳۳ ذی الحجه اشرفیه ۱۳۲۹ پنجشنبه ۱ گاور اول ۱۳۲۷

عدد : ۱۷۱

جنوبی آفریقا اسلاملرینک متینگی

انکلهزده نك جنوبی آفریقا مستملکاتندن ناتال اهالی اسلامیه سی تشرین-
ثانی نك اون برنجی اقشامی جامع شریفده طویلانه رق ادای صلاتدن صکره
خلیفه ذیشانلری سلطان محمد خان خامس حضرتلرینک ازدیاد عمر
واقبال شاهانه لری ، اوردوی عثمانیک توفیقات الهیهیه مظهریتی
وحکومت عثمانیه نك اعلاى شان وشوکتی حقنده ادعیه مفروضه تلاوت
ایتمشلردر . بعده هلال احمر جمعیتی رئیسى داوید محمد طرفندن برنطق
بلیغ ایراد اولنه رق ایتالیان عساکری طرفندن مدافعه نفسدن عاجز
اولان قادین وچو جقلره قارشى روا کوریلن حرکات وحشیانه یی تقییح
وتشنیع وکندینه مدنی صفتی ویرن بر ملت طرفندن بوکی بارباد لقلره
قارشى اظهار تقرت ولعت ایده رک دیمشدر که :

« بو متینغ ایتالیا عساکری طرفندن طرابلسده بی کنه اطفال
و نسوانه قارشى مظالم اجرا قلندیغنه دائر نشر اولنان خبرلری لعنت
وانفعال ایله او قومش اولدیغندن کندینه بغیر حق صفت مدیت اسناد
ایدن برملت طرفندن اجرا قلنان بو وحشتلری بتون قوتیه تلغین ایدر .
عبده حاجی آدم مومی الهیک بیاناتی تأیید ایدوب قادین ؛ چو جق
و اختیارلرک حیاتی مظهر حمایه اولق هر دین و مذهبجه مطلوب
و ملزم اولدیغی حالده خرستیان اوله جق ایتالیا عساکرینک بو اساس
و قواعد انسانیه خلافنده حرکات جنایتکارانه ده بولندقلری مقام تنفیر
و تلغینده بیان ایلشدر .

مستر آدم محمد عساکر عثمانیه نك شجاعت و بسالتندن ، انتظام
ومطاولعتندن ، مشاق ومزاحم سفریهیه قارشى صبر و تحملندن اوزون
اوزادییه بختله محاربه ده شهید اولانلرک طول و اوکسوز چو جقلری
نامنه اعانه جمعیتی تکلیف ایلشدر .

بالاده کی نطقلرکال دقتله استماع قلنمش و حکومت عثمانیه نك مظفریت
وموفقیتی حقنده تکرار ادعیه لازمه یاد اولنه رق اجتماعه ختام ویرلشدر .
مکه مکرمه اهالیسندن سید محمد صدیق بن عبده و هندستانده کائن سورات
شهری اهالیسندن عبد القادر ادروسی حاضرونه منسوب اولدقلری دین
جليله و خلیفه اعظملرینه قارشى مکلف اولدقلری وظائفی تعداد و تذکار
ایلشدر .

دوربان هلال احمر جمعیتی کاتبی عثمان احمد نطقنده دیمشدر که : بزوراده
طرابلسده کی دین قرداشلر مرکز ایتالیا وحشیلری طرفندن ذبح اولندقلریته
قارشى شدت انفعالیزی اظهار ایتک و میدانده هیچ بر سبب اولمدیغی حالده
اعلان حرب ایدن وحی اعلان حرب ایتزدن حرکات حربیه یه ده باشلایان
ایتالیایه پروتستو ایتک اوزره بوراده طویلانه شمس . ایتالیانلر طرفندن
۴۰۰ عربک مسلح اولدیغی غزته لرده او قود یغمز صروده بوکا
ایناق ایسته مدک و مبالغهیه حمل ایتک . فقط بو بابده کی خبرلر بو
کون بیطرف منابعدن تأید ایتدیکنی نفرتله مشاهده ایدیورز .
ایتالیانک بوکی حرکات عدالتشکنانه و شاعتکارانه ده بولندیغندن طولای
قلبمز حقیقه پارچه لوب انکلهزده بر جوق ارباب انصاف و اصحاب انسانیت

طرفندن بو حرکات مذبحخانهیه قارشى پروتستو متینغلری ترتیب
اولندیغی مع الممنونیه خبر آلیورز . شمدی ملیونلرجه تبعه اسلامیه یه مالک
اولان انکلهزده قرالی وهندستان ایمپراطورینک شفاعت و توسطنی
استرحام ایتک بزه ترتیب ایدن وظائف جله سندن در . ترکیه ده بولنان
هلال احمر جمعیتیه یار دیم ایتک اوزره براعانه قومیسونی تشکیل ایتدیکنز
معلوم کزددر . بو قومیسون تشبثنده فوق العاده موفقیتیه مظهر اولمش .
۱۶۰۰ لیرایی متجاوز بر مبلغ جمع ایده رک یوهانسبورغ باش شهبندری
اوخانس بک معرفتیه ۱۱۵۰ لیرا در سعادته کوندیرلشدر . عموم اسلام
جمعیتلری بو وادیده صرف مساعی ایدیورلر و ایده جکلردر .



تورک یوردی

تورک یوردی ارقداشمیزک ایکنجی صایسی چیقدی . برنجی
صایسینک ایکی دفعه باصلدیغی حالده نسخه سنک پک آرقالشی قارئلر مزه
آیرجه توصیه دن بزی مستغنی ایدیور . ایکنجی صایسینده عزت علوی
بکک تورک ماصاللری اوقنوب آغلانه جق تورک یوردی لوحه لرندن در .
سیاست قسمنده (بیوک ملی امالر) ک مابعدی ایله ، احمد آخایف بکک
مطلق هر مسلمان تورک طرفندن اوقونیله جق (تورک عالمی) وار .
اقتصاد قسمنده شمدی یه قدر ده اهیچ بر مجموعه و جریده مرکز بحث
ایتدیکی تورک اصنافک حالته نفوذ ایدیلک ایسته نیلور . بوتشبت بالخاصه
جالب دقتدر . ایکنجی صایسی تزیین ایدن مقاله لر دن بریسی ده تورکارک
بیوک محرری اسماعیل بک غصبرنسکی نك تورک - روس مقارنتنه عائد
مهم مقاله لری در .

بیوک قطعه ده ۳۲ صحیفه لک بو مجموعه نك فیائی انجق التمش
پارودر . آونه بدلی التی آیلانی ۱۶ غروش ، سنه لکی ۳۰ غروش اولوب
معلم و متعلملره یوزده اون تنزیلات یاییلر .



تصحیح

ذاتاً قرینه ایله آکلاشیلا جینی اوزره کچن نسخه ده (۲۲۰) نجی
صحیفه نك برنجی ستوننک ایلک ایکی سطر (۲۲۱) نجی صحیفه یه عائد
اولمغه تصحیح اولنور .

§ محزون اولمیه لم فقط . . . عنوانی مقاله ده مرتب خطا لرندن
شو مهلرینک ده لطفاً تصحیحی رجا اولنور :

(سطور الکائنات) ده بر (ه) فضله . (نفوذ ادرا کزله استبان) ،
(نفوذ اداره کزله اثبات) صورتنده دیرلش . (لوح محفوظ شئون) ؛
(لوح محفوظ شئونه) اولاجق .